

Ժողովուրդ

31
(3062)

11 մարտի երեքշաբթի 2025
տպագրության ԺՂ տարի

✉ ք. Երևան, Արվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՄԵՐ ՀԱՅՏԱՐԱՐԱԾ ԲԱՆԴԱՅԻ ԳՈՐԾՈՎ 7 ԱՆՁ ԶԵՐԲԱԿԱԼՎԵԼ Է



Այս տարվա հունվարի 16-ին «Ժողովուրդ» օրաթերթը ուղիղ հարց էր տվել ՀՀ ներքին գործերի նախարար Արփինե Սարգսյանին, որին ի պատասխան նախարարն ասել էր, թե դեպքի մասին տեղյակ չէ: Դրանից օրեր հետո ՆԳՆ-ից «Ժողովուրդ» օրաթերթին տեղեկացրին, որ Արփինե Սարգսյանի հրահանգով՝ նախաձեռնված գործողությունների արդյունքում հարուցվել է վարույթ, նախօրեին էլ տեղեկացանք, որ այդ վարույթի շրջանակում ընթացող քննության արդյունքում 7 անձ ձերբակալվել է:

Հիշեցնենք, որ «Ժողովուրդ»-ը հետաքրքրվել էր Արփինե Սարգսյանից նախկին պատգամավոր Նահապետ Գետրոյանի՝ Նովոյի որդու կազմակերպված գազագողության դեպքի վերաբերյալ՝ ներկայացնելով, որ հարկային ծառայությունն անկարող է վերահսկել վիճակը, տեսուչները չեն կարողանում մոտենալ՝ գազի հաշվիչների տվյալները վերցնելու: «Կարճ ասած՝ բանդա է գործում պետության ներսում: Բայց ոստիկանությունը նույն Նահապետ Գետրոյանի որդուն ցուցադրաբար ձերբակալեց ու շատ արագ բաց թողեց: Վախենում եք «բանդիտների» դեմ պայքարելուց»:

Ի պատասխան՝ Արփինե Սարգսյանը հայտարարել էր, որ տեղյակ չէ դեպքից, որից օրեր հետո ՀՀ ոստիկանությունից տեղեկացանք, որ վարույթ է հարուցվել այս առիթով, գործը ուղարկվել է ՀՀ Քննչական կոմիտեի Վաղարշապատի բաժնի՝ քննության:

Երեկ ողջ օրվա ընթացքում փորձեցինք պարզել, թե ովքեր են ձերբակալվածները, քանի՞ գազալցակայան է փակվել, կապարակնքվել, սակայն ՀՀ Քննչական կոմիտեն, ի դեմս Արթուր Պողոսյանի, համառորեն մեզ տեղեկություն չտրամադրեց:

Օրվա վերջում միայն տարածվեց անանուն մի հաղորդագրություն, համաձայն որի՝ «ԶԿ գլխավոր վարչությունում քննվում է նաև մի շարք գազալցակայանների սեփականատեր Ն.Գ.-ի (ելթադրաբար խոսքը Նահապետ Գետրոյանի որդու կամ փոխկապակցված անձի մասին է - խմբ) եւ մի խումբ այլ անձանց կողմից առանձնապես խոշոր չափերով՝ 1 մլրդ 79 մլն 341 հզր 404 ՀՀ դրամի հարկեր չվճարելու նպատակով ընկերության հարկային հաշվարկներում խեղաթյուրված տվյալներ մտցնելու եղանակով հարկման օբյեկտը թաքցնելու, մասնավորապես՝ մեկ միասնական դիտավորյալով հիշյալ ընկերությունների կողմից մատակարարվող եւ իրացվող բնական գազի հաշվառման սարքերի տվյալները ծրագրային միջամտություններով խեղաթյուրելու, նախապես հարմարեցված բեռնատար մեքենաներով գազի ապօրինի տեղափոխում իրականացնելու, կեղծ հաշվետվություններ կազմելու դեպքի առթիվ նախաձեռնված քրեական վարույթը»:

Ըստ պաշտոնական հաղորդագրության՝ Ն. Գ.-ի 18 գազալցակայաններում հարկեր չեն վճարվել:

«Ժողովուրդ» օրաթերթը տեղեկացավ, որ ՀՀ առողջության պարտադիր ապահովագրության ծրագրի տապալումը խլացնելու եւ բարեփոխումների պատրանք ստեղծելու համար առողջապահության նախարարությունը «հիմնովին» փոխել է բժշկական կազմակերպությունների հետ պետական պատվերով ծառայությունների մատուցման պայմանագրի ձեւը, բովանդակությունը: Այսպես, եթե մինչեւ 2024 թվականը պետական պատվերի համակարգում գործում էին առողջապահության նախարարության եւ բժշկական կենտրոնների միջեւ կնքված ծառայությունների մատուցման պայմանագրեր, ապա 2024 թվականին առողջապահության նախարարությունը «ստիպված» կիրառեց օֆերտայի հրապարակային պայմանագրի պիլոտային ծրագիրը, այն հաջորդիվ՝ 2025 թվականին, տարածվեց արդեն ամբողջ առողջապահական ծրագրերի վրա: Տեղեկացնենք, որ նոր ծրագրով առանձին բժշկական կենտրոնների հետ պայմանագրեր չեն կնքվում, եւ չեն ամրագրվում այդ կազմակերպությունների համար նախատեսվող տարեկան պետական պատվերի գումարները, բժշկական կենտրոններին հատկացվելիք գումարի վերաբերյալ դրույթ չկա: Անհասկանալի է եւ ինքնահոսի է թողնված, թե ինչ համամասնությամբ է բաշխվելու ծրագրերի գումարը հիվանդանոցների միջեւ: Սպասենք ոլորտում հերթական քառօրյակը:




«Ժողովուրդ» օրաթերթի աղբյուրները փոխանցում են, որ այս օրերին Գյումրիում թե՛ քննարկվում է այն թեման, որ Փաշինյանը հրահանգել է Գյումրիում ընդդիմադիր ուժերի ցուցակներում ընդգրկված անձանց վերաբերյալ կոմպրոմատներ հավաքել: Ու, ըստ մեր աղբյուրների, դա անում է ԶՊ-ի «սրտի» թեկնածու Սարիկ Մինասյանի գարմիկի (հորաքրոջ որդու) միջոցով, որը մարզում հայտնի Կամո Ներսիսյանն է՝ Շիրակի ԱԾՎ վարչության պետը: Ըստ մեր աղբյուրների՝ Ներսիսյանին հանձնարարված է «տակնուվրա» անել Գյումրու ընդդիմադիր թեկնածուների շուրջ հավաքված մարդկանց, ինչպես նաեւ նրանց, ովքեր ցուցակներում են ու քաղաքում «դերակատարում ունեն»: Դա էր նաեւ պատճառներից մեկը, որ նախօրեին Փաշինյանն անձամբ գնաց Գյումրի, շրջեց, զրուցեց, հանդիպումներ ունեցավ ու վերադարձավ: Վերջինս ամեն գնով պատրաստվում է Գյումրիում իշխանությունը վերցնել՝ անգամ ցուցարարներից «մարդ գողանալով»: «Ժողովուրդ» օրաթերթը երեկ ողջ օրը փորձեց այս հարցի վերաբերյալ զրուցել Սարիկ Մինասյանի հետ, սակայն նա որեւէ կերպ չարձագանքեց մեր զանգերին:



«2024 թվականի նոյեմբերի դրությամբ Հայաստանում գրանցվել են 782 հազար 832 աշխատակիցներ, որոնք 2024 թվականի հաշվետու տարվա համար հայտարարագրերը ներկայացնելու են մինչեւ 2025 թվականի նոյեմբերի 1-ը ներառյալ, իսկ այժմ հայտարարագիր ներկայացրել են միայն 69 հազար 813 անձ»:

Այս մասին «Ժողովուրդ» օրաթերթի հարցմանն ի պատասխան հայտնել են Պետական եկամուտների կոմիտեից: «2025 թվականի մարտի 2-ը ներառյալ 69, 83 ֆիզիկական անձ հարկային մարմին է ներկայացրել եկամտային հարկի եւ սոցիալական վճարի հաշվարկներ՝ հայտարարագիր, որոնցից 59 հազար 156-ը ֆիզիկական անձի՝ 2023 թվականի հաշվետու տարվա համար, իսկ 10, 657 ֆիզիկական անձ 2024 թվականի հաշվետու տարվա համար», - ասված է ՊԵԿ-ի պատասխանում: Ստացվում է, որ իշխանության օրակարգային լոզունգ դարձած համընդհանուր հայտարարագրման գործընթացը, որը 2025 թվականի հունվարի 1-ից պարտադիր է բոլորի համար, իրականացվել է դեռ 10 հազար 657 անձի կողմից: Հարկ է նշել, որ փետրվարի 10-ի դրությամբ հայտարարագիր էր ներկայացրել 59 հազար 052 ֆիզիկական անձ, իսկ 2024 թվականի հաշվետու տարվա համար՝ 5 հազար 766 ֆիզիկական անձ:



ՔԱՂԱՔԱԿԱՆ

ՎՏԱՆԳԱԿՈՐ

ԱՂԻՐԵՋԱՆՆ ԸՆԴՈՒՄ ԵՎ ԳԻՆԾՈՒ ԳԱՏԱԿԱՆ ՆԻՍՏԸ

ArmLur.am-ի հեռ գրույցում Քաղաքական գործիչ Մուրեմ Պետրոսյանը խոսել է գերիների խոցանագումների և իշխանության հայտարարությունների մասին:

-Ողջ համացանցը ողողված է հայ ռազմագերիների խոշտանգումների լուսանկարներով: Հայաստանի իշխանություններն ասում են. «Մենք առաջնորդվում ենք «մի վնասիր» սկզբունքով, եւ մենք չենք բարձրաձայնում, որպեսզի չվնասենք»: Ի՞նչ կարծիք ունեք Ղուբ:

-Ինչի՞ մասին չեն բարձրաձայնում, որ խոշտանգումներ կան:

Ես նույնիսկ այդ հարցի համար զարմանում եմ, որովհետեւ այս ընթացքում արդեն չկա մի մարդ, որ կասկածներ չունենա՝ արդյոք այս իշխանությունը հայկական, ազգային, պետական շահի հետ կապ ունի. իրենք կապ չունեն այդ ամենի հետ, ուրիշ ի՞նչ է պետք դա ապացուցելու համար: Նրանք անում են բոլոր հնարավոր քայլերը, որ հասկանալի չլինի իրենք կապ չունեն պետականության հետ: Մեր ճակատագիրն ու ապագան հանձնել ենք այլոց կառավարմանը: Մենք այստեղ կառավարիչ ենք, ոչ թե ղեկավար՝ այլ կառավարիչ: Այս մարդիկ իրենց վարքով ասում են՝ մեզ հետ հույս մի կապեք, այսինքն՝ դրանից հետո մենք սպասենք, որ իրենք պետք է սպասարկեն պետական, ազգային շահ, զբաղվեն ռազմագերիների հարցով, միջազգային առաջնությունում դիվանագիտական ճնշումներ անեն... ուղղակի անմտություն է: Մեր իրավիճակն այլ է, եւ ակնկալել այլ բան, քան իրականությունն է, միամտություն կլինի:

-Նիկոլ Փաշինյանը օրերս մի հոդված հայտարարեց ճանապարհների, երթուղիների վերաբերյալ, որ Հայաստանի ճանապարհներն այսուհետ բաց են Ադրբեջանի համար, եւ նրանք կարող են շարժվել Կոնստանդնուպոլիսից Մարդասիրտի անցակետ, այսուհետեւ Թուրքիա: Եթե ադրբեջանցի վարորդները հոգեբանական խնդիր կունենան, կարող են թուրք վարորդները նրանց ուղեկցել: Տեղյալ էք այս մասին:

-Այսինքն՝ իմ ասածը հաստատեցիք, որ Նիկոլ Փաշինյանն ավելի շատ կարող է մտահոգվել նույնիսկ ադրբեջանցի



վարորդների հոգեբանական իրավիճակով եւ իրենց համար լուծումներ առաջարկել, բայց ոչ մեր ազգային շահով: Ինչ վերաբերում է ճանապարհներ բացելուն, ապա ասեմ, որ Նիկոլ Փաշինյանի օրոք երբեք փակ չեն եղել, միշտ էլ բաց են եղել: Ուղղակի փուլ առ փուլ գնում են դրա կիրառմանը:

-Պարոն Պետրոսյան, ի՞նչ վտանգներ եք տեսնում:

-Ամբողջը վտանգ է: Որեւիցե մեկը չի կարող ասել, որ իշխանությունը կվերահսկի սա: Ալեք Սիմոնյանը վերջերս ասել էր՝ նույնիսկ կարող ենք նրանց անցուղարձը չխոչընդոտել, ու այն գումարը, որ պետք է անցուղարձին վճարելին, տարեվերջին կգանձվեն: Այսինքն՝ մաքսիմալ միջամտություն չի լինելու:

Ինչպես ենք պատկերացնում, այս իշխանությանը, որ ամեն առումով խոնարհված է Ադրբեջանի առաջ, կարող է ինչ-որ ադրբեջանցի վարորդի ստուգել:

Սա բնութագրեցի մի փոքր կենցաղային մակարդակով: Իսկ ավելի լուրջ, եթե բացվեն ճանապարհները, այսուհետեւ ադրբեջանցիները, վերոնշյալ տրամաբանությամբ, ցանկացած պահի կարող են ասել՝ դուք չեք կարողանում ապահովել մեր վարորդների անվտանգությունը, որոնք օգտվում են իրենց իրավունքներից: Հետեւաբար մենք պետք է մեր ուժայիններով կարողանանք իրենց անվտանգությունն ապահովել: Եվ դա լեզուով հիմք է դառնալու, որ իրենց ուժայիններն այստեղ եւ գործողություն անեն, եւ ներկայություն ապահովեն: Սա եղել է պատմության ողջ ընթացքում, ոչ թե տեսական մեջբերում է պարզապես, այդ թվում՝ նաեւ 2-րդ համաշխարհային պատերազմի ընթացքում, Գերմանիան նույն սկզբունքով է վարվել: Սա ոչ թե մասնավոր փոքր վտանգների մասին է, այլ ամբողջությամբ վտանգ է:

Ջրույցը ՔՐԻՍՏԻՆԱ ՄՈՒՇԵՂՅԱՆ



ԲԱՔՎՈՒՄ ԸՆԴՈՒՄ ԵՎ ԳԻՆԾՈՒ ԳԱՏԱԿԱՆ ՆԻՍՏԸ



Բաքվի զինվորական դատարանում երեկ ընթանում էր Արցախի ղեկավարների եւ այլ պաշտոնյաների՝ ընդհանուր 15 անձի նկատմամբ հարուցված շինծու գործերով հերթական դատական նիստը:

Ադրբեջանական լրատվամիջոցների հաղորդմամբ՝ Արցախի նախկին նախարար Արկարի Ղուկասյանը պատասխանել է պետական մեղադրողների հարցերին:

Դատախազը նրան հարցրել է՝ արդյոք համաձայն է «Մեծ Հայաստանի» գաղափարախոսության հետ: Ի պատասխան՝ Ղուկասյանն այդ միտքը հեքիաթ է անվանել:

«Վաղուց չեմ հավատում հեքիաթներին: «Մեծ Հայաստանի» գաղափարը հեքիաթ է, ուստի: Ես ապրում եմ իրական կյանքով, երբեք դրան լուրջ չեմ վերաբերվել», - ադրբեջանական կողմի հաղորդագրության համաձայն՝ ասել է նա:

Հիշեցնենք, որ մարտի 6-ին տեղի ունեցած նախորդ նիստում Արցախի նախկին նախագահներ Բակո Սահակյանն ու Արկարի Ղուկասյանը, Արցախի ՊՆ հրամանատարի նախկին տեղակալ Դավիթ Մանուկյանը, ինչպես նաեւ մյուս գերիներից Գուրգեն Ստեփանյանը, Դավիթ Ալահվերդյանը, Մելիքսեթ Փաշայանը, Գարիկ Մատրոսյանը, Լեւոն Բալայանը եւ Մադաթ Բաբայանը ցուցմունքներ էին տվել:

Ի ՆՇԱՆ ԲՈՂՈՔԻ

ArmLur.am-ի տեսախցիկը ֆիքսել է, որ Երեւանում Մաշտոցի պողոտայում, փողոցում առետուր իրականացնող Աշխեն անունով կինը պառկել է բեռնատարի առաջ եւ բղավել է՝ չտանել իր ապրանքները:

ArmLur.am-ը տեղեկացավ, որ նա Մաշտոցի պողոտայում միրգ-բանջարեղեն է վաճառում, ում վաճառած ապրանքները պարբերաբար առգրավում են Երեւանի քաղաքապետարանի աշխատակիցները: Այսպես Երեւանի քաղաքապետ Տիգրան Ավինյանը պայքարում է փողոցում իրականացվող առետուրի դեմ՝ մարդկանց չտալով այլընտրանքի հնարավորություն եւ փաստացի տիրապետելով քաղաքացու գույքին:

ՏՆՏԵՍՎԱՐՈՂՆԵՐԻ ԲՈՂՈՔ

«ՓԱՇԻՆՅԱՆՆ ԱՏՈՒՄ ԵՎ ՀԱՅ ԱԶԳԻՆ» ԱԿՑԻԱՅԻ ՄԱՍՆԱԿԻՑ

«Պարոն Պապոյանը խոսք սկսեց, որ հաճախակի հանդիպումներ կկազմակերպի, առաջարկներ կանեն, բայց դեռ դրական ոչ մի բայլ չենք տեսել, դրա համար եկել ենք, մոռցի ենք հավաքվել», - այս մասին ArmLur.am-ի հեռ գրույցում ասել է Կառավարության շեֆի դիմաց բողոքի ակցիա իրականացնող տնտեսաբաններից մեկը:

«Բացի շրջանառության հարկը՝ գույքագրումն է ամբողջ խնդիրը, որը «տեռոր» է լինելու, ազգի վրա «տեռոր» է լինելու, մանր ու միջին բիզնեսի վրա հարձակում է լինելու» - ասել է նա:

Տնտեսվարողն անդրադարձել է վարչապետ Նիկոլ Փաշինյանի երեկ արված ստատուսին, թե ժողովուրդն է բերել իրեն, ժողովուրդն էլ կհեռացնի, եթե դրա անհրաժեշտությունը լինի: Ասաց, որ եթե այն ժամանակ՝ 2018 թվականին, հարցնեին ժողովուրդին՝ կարող է 10%-ը

չուզենար Նիկոլ Փաշինյանին, հիմա եթե 10%-ն ուզենա, ապա միայն շահի դիմաց կընտրի նրան:

«Պարոն Փաշինյանը հայ ազգին, կարելի է ասել, երեւի ատում է, որ այսքան ամբողջ ազգին նեղություն է տալիս բոլոր կողմերից, ոչ թե միայն մեզ՝ տնտեսվարողներին: Թող 500 հազարանոց մեքենա չառնի: Պետական մեքենաները վաճառքի էր դրել, որ ավելի լավ առնեն, 20 մեքենա վաճառում էին, որ ավելի լավը գնեն իր համար, թող ինքն էլ մեզ նման լինի: Մեզնից մեկն է», - ասել է քաղաքացին:

Անդրադառնալով վարչապետ Նիկոլ Փաշինյանի՝ վերջին եթերներից մեկում հնչեցրած արտահայտությանը՝ «հավատաք չհավատաք» սիրում եմ բոլորիդ», ասաց. «Տա՛ աստված, որ այդպես լիներ, որ սիրեր: Հիմա մարդիկ մի քիչ սկսեցին աշխատել, իսկ նա նորից ուզում է նեղել, որ դուրս գան... այս երկրում հնարավոր չէ իրենց «տեռորով» աշխատել: Հիմա

մարդիկ ունեն 10 տարվա ապրանք: Այդ ապրանքը բերել են, մաքսազերծել են, վճարել են, եւ այն չի վաճառվել:

Այդ 10,000 դրամ արժողությամբ ապրանքը կարող է մեկը 1,000 դրամով վաճառել: Եթե այսօր վաճառողը գույքագրի 5,000-ով, հետո 1,000-ով վաճառի, խնդիր է լինելու: Ապրանքը փչանում է, վնասված է հասնում, դրանք մեծ խնդիրներ են: Եթե գույքագրումով սկսենք, այն պահանջելու է բարձր աշխատավարձով վճարվող հաշվապահություն, նաեւ աշխատատեղ, որը գործատուն չի կարող վճարել, այդ եկամուտները չունի՝ երեք հավելյալ աշխատող էլ ընդունելու:

Հիմա ինչ-որ հույսեր ունենք, որ կարող է մի բան փոխվել... մարդիկ հիասթափված են, իրեն ոգեւորությամբ ընտրել ենք, բերել ասպարեզ, բայց այժմ հիասթափված է ժողովուրդը, հավատ չունի, Փաշինյանն ամեն ինչ է մեր մեջ կորցրել», - ամփոփել է տնտեսվարողը:

ԻՐԱՎԻՃԱԿ

ԱՆՊՐԱՂԱՐՁ

ՀԱՅԱՍՏԱՆՆԵՐԻ ԽՈՒՄՆԵՐԻ ՆՊԱՏԱԿ Է ՏԵՄԵՆՈՒՄ

ՇՈՒԿԱՆ ՉԻ ՎԵՐԱՀՄԵՎՈՒՄ

Անհասկանալի իրավիճակ է հեղուկ գազի շուկայում...

Դեմպինգն է պատճառը, ներմուծման արժեքի տատանումները...

Աբսուրդ է, որ 30 կմ անցնելուց հետո ակնատես...

ՊԱՇՏՈՆԱՊԵՍ ՓԱԿՈՒՄ Է

Վեց շաբաթվա վերանայումից հետո Միացյալ Նահանգները...

«Վեց շաբաթ վերանայումից հետո մենք պաշտոնապես...

Իսրայելի խոհրդարանի դասգամավոր Ջոն Ինյարիսուի կարծիքով...

«Ինչպես հայտնի է, Ադրբեջանը նոր քարոզչական արշավ է սկսել...

Նրա բնորոշմամբ՝ Ադրբեջանը նման հայտարարություններով...

«Շատ պարզ է, որ այս հայտարարությունների վերջնական նպատակը...

Անդրադառնալով Հայաստանում Եվրոպական միության դիտորդական առաքելության գործունեության վերաբերյալ...

ՕՐՎԱ ԽՃԱՆԿԱՐ

ՀԱՋՈՐԳ ՎԱՐՉԱՊԵՏՔ

Մարկ Քարնին կիրակի ընտրվել է Կանադայի իշխող Լիբերալ կուսակցության նոր առաջնորդ...

ՀԵՏԱԶԳՎԵՑ

Երեւանի քաղաքապետարանից, ArmLur.am-ին տեղեկացրել են...



որ է համարել, որ ԵՄ դիտորդական առաքելության մանդատը...

«ԵՄ դիտորդական առաքելությունը կենտրոնանում է հայ-ադրբեջանական սահմանի երկայնքով տիրող...

տորդական առաքելության դեմ Ադրբեջանի բողոքները կարող են ի հայտ գալ...

Ն. ՊՈՐՈՍՅԱՆ

տի 17-ին: ArmLur.am-ը տեղեկացավ, որ նիստը չի կայացել...

ԱՆԿԱՆ ՄԵԽԱՆԻԶՄ

Անհայտ կորածների հարցով միջազգային հանձնաժողովը...

ՀԱՐԿԵՐ ՉԵՆ ՎՃԱՐՎԵԼ

Հայաստանի Հանրապետության քննչական կոմիտեի տնտեսական հանցագործությունների...

ԻՆՉ ԿԱՊ ՈՒՆԻ ԱՂՐԲԵՋԱՆՑԻՆ

ԳՈՐԾՈՂՈՒԹՅՈՒՆՆԵՐ ԵՆ ԿԱՆԻՒՎԵԼ

ArmLur.am-ը տեղեկացավ, որ Պարույր Ավագյանը, ներգրավվելով ֆրեական ենթամշակույթ կրող խմբավորման հետադարձ մոտասկզբի իրականացմանը, 2024 թվականի հունիսի 6-ին «Watsapp» հավելվածի միջոցով կապ հաստատելով Արման Հակոբյանի հետ եւ ներկայացնելով ֆրեական հեղինակություն հանդիսացող «Գրեցիայից Արամ»-ի անունից, Արման Հակոբյանի հետ ղայմանավորվածություն է ձեռք բերել Արմավիր ֆաղաֆում հանդիպելու վերաբերյալ:



Նույն օրը՝ ժամը 22:00-ից 00:00-ի սահմաններում, Արմավիր քաղաքի Շահումյան փողոցի 3/7 հասցեում գտնվող «Մերսի» ռեստորանում, Արման Արմանի Յակոբյանը հանդիպել է քրեական ենթամշակույթ կրող խմբավորման մասնակիցներ, խմբավորման մեջ եւ շրջապատում «Չերեմուշկեցի Պրո» մականունով հայտնի՝ Պարույր Ավագյանի, Բաբկեն Կարապետյանի եւ նույն խմբավորման անդամներ հանդիսացող, քննությանը ինքնությունները չչարգված եւս 6-7 անձանց հետ, որի ընթացքում տեսակապի միջոցով հանդիպմանը մասնակցել է նաեւ արտերկրում բնակվող «Գրեցիայից Արամ» մականվամբ ներկայացած՝ շրջապատում «գող Նոդարի Արամ» մականունով հայտնի, քրեական աստիճանակարգության բարձրագույն՝ քրեական հեղինակության կարգավիճակ ունեցող՝ Արամ Կարապետյանը:

Գանդիպման ընթացքում մասնավոր հարցերին առնչվող վեճը լուծելու նպատակով խոսակցություն է ծավալվել Արման Յակոբյանի եւ Ռ.Ն.Սիմոնի Նովգորոդ քաղաքի բնակիչ, ազգությամբ ադրբեջանցի ուսուցիչի միջեւ առկա գումարային հարցերի վերաբերյալ, որի ընթացքում հանդիպմանը մասնակցող վերը նշված անձանց կողմից Արման Յակոբյանի եւ վերջինիս ընտանիքի անդամների հասցեին հնչեցրած սպառնալիքների եւ ճնշումների ազդեցության տակ՝ իր եւ իր ընտանիքի անդամների անվտանգության վերաբերյալ առաջա-

ցած վախից դրդված, Արման Յակոբյանն ընդունել է ում Վախիդին իբրեւ թե 1.100.000 ՌԴ ռուբլի պարտք լինելու հանգամանքը եւ պարտավորվել է նշված գումարը փոխանցել «Գրեցիայից Արամ»-ին, նույն ինքը՝ Արամ Սամվելի Կարապետյանին: Գումարը փոխանցելու վերաբերյալ Արման Յակոբյանի համաձայնությունը ստանալով եւ չբավարարվելով ձեռք բերված պայմանավորվածությամբ, անօրինական օգուտ ստանալու նպատակով հանդիպման ընթացքում Պարույր Ավագյանը Արամ Կարապետյանի հրահանգով պահանջել է Արման Յակոբյանից իր կամքին հակառակ ստացել է վերջինիս պատկանող եւ Ռուսաստանի Դաշնությունում գտնվող «Պորժ Կայեն» մակնիշի ավտոմեքենայի բնալինները եւ տեխնիկական անձնագիրը, ինչի արդյունքում օրեր անց հիշյալ՝ 4.000.000 ՌԴ դրամ արժողությամբ ավտոմեքենան Ռ.Ն.Սիմոնի Նովգորոդ քաղաքի Լիտերատուրնայա 6Ա շենքի բա-

ՔՐԵԱԿԱՆ ՔՐՈՆԻԿՈՆ

ԿԻՆԸ ԹՄԲԱՆՅՈՒԹ Է ԹԱՔՑՐԵԼ

Օրեր առաջ Հայաստանի Հանրապետության Ներքին գործերի նախարարության Ոստիկանության քրեական ոստիկանության գլխավոր վարչության թմրամոլության ապօրինի շրջանառության դեմ պայքարի վարչության ծառայողները, վարչությունում ստացված օպերատիվ տվյալներն իրացնելիս եւ համագործակցելով ՀՀ Պետական եկամուտների կոմիտեի մաքսանենգության դեմ պայքարի վարչության ծառայողների հետ, ապա նրանց միացած ՀՀ ՆԳՆ Ոստիկանության համայնքային ոստիկանության գլխավոր վարչության Արաբկիրի բաժնի եւ ՀՀ ՆԳՆ Ոստիկանության Պարեկային ծառայության Երեւան քաղաքի գնդի 4-րդ գումարտակի 3-րդ վաշտի պարեկների հետ, Բաղրամյան պողոտայից ապօրինի թմրանյութ ձեռք բերելու պահելու եւ իրացնելու անմիջականորեն ծագած հիմնավոր կասկածի առկայության հիմքով ձերբակալել եւ ոստիկանության Արաբկիրի բաժնի եւ տեղափոխել Երեւանի բնակիչ 33-ամյա Արմենուհի Յ. -ին:

Վերջինս եղել է Honda մակնիշի ավտոմեքենայով: Արդեն տեղում կասկածյալը ենթարկվել է անձնական խուզարկության եւ կրծկալի միջից հայտնաբերվել է փաթեթ՝ կաշուն ժապավենով փաթեթավորված սպիտակ բյուրեղաձև զանգված, որը նման է «մեթամֆետամին» տեսակի թմրամիջոցի, որը կազմել է մոտ 125 գրամ: Դեպքի փաստով փաստաթղթեր են ձեւակերպվել, որոնք փոխանցվել են ՀՀ քննչական կոմիտեի Երեւան քաղաքի քննչական վարչության Արաբկիրի քննչական բաժնի, որտեղ դեպքի փաստով նախաձեռնվել է քրեական վարույթ:

ԱՐԳԵԼՎԱԾ ՈՐՄԻ ԲԱՑԱՀԱՅՏՈՒՄ

Մարտի 8-ի առավոտյան Համայնքային ոստիկանության Թալինի բաժնի ծառայողները Բնապահպանության եւ ընդերքի տեսչական մարմնի աշխատակիցների հետ բնապահպանական վերահսկողություն իրականացնելիս Թալին-Թաթուլ ճանապարհին ստուգել են «ՎԱԶ-2106» մակնիշի մի մեքենա:

Նրանք մեքենայում հայտնաբերել են «Իժ-27» եւ «Իժ-18» մոդելի որսորդական ուղղակափող երկու իրացան, 12 մմ տրամաչափի 19 փամփուշ եւ տափաստանային 19 արտույտ, որոնց որսն արգելված է:

Պարզվել է, որ 26-ամյա վարորդը եւ 25-ամյա ուղեւորը Արմավիրի մարզի Ջանֆիդա գյուղի բնակիչ են: Վարորդը հայտնել է, որ հրացանները պատկանում են հանգուցյալ պապին, որոնց համար չունի համապատասխան փաստաթղթեր, իսկ արտույտներին ինքն է որսացել:

Կազմված փաստաթղթերը ներկայացվել են Թալինի քննչական բաժնի:

ԻՐԱՎԻՃԱԿ

ՏՆՏՅՐԻՆ ԿԱԼԱՆՔԻ ՏԱԿ

Ինչպես ArmLur.am-ը հայտնել էր, ԱՄՇ սպա Արամ Գասպարյանը ձերբակալվել էր եւ նրա նկատմամբ ներկայացվել էր կալանավորման միջնորդություն:

Դատարանը որոշել է վերջինիս նկատմամբ որպես խափանման միջոց կիրառել տնային կալանքը, գրավը եւ բացակայելու արգելքը: Քննչական կոմիտեից տեղեկացրել են, որ Գասպարյանի նկատմամբ հարուցվել է հանրային քրեական հետապնդում խուլիգանությանը հանցակցելու (2003 թվականին ընդունված ՔՕ-ի 38-258-րդ հոդվածի 1-ին մասով եւ 3-րդ մասի 1-ին կետով) մասով, ինչպես նաեւ հանցակցությամբ գույքը դիտավորությամբ ոչնչացնելու կամ վնասելու մասով:

Նշվում է, որ նա է վարչապետ Նիկոլ Փաշինյանի կողմից Սյունիքի մարզ կատարած այցի ժամանակ մի խումբ անձանց կողմից խուլիգանություն կատարելու, գույքը դիտավորությամբ ոչնչացնելու կամ վնասելու դեպքի առթիվ նախա-

ձեռնված քրեական վարույթի նախաքննության ընթացքում բացահայտված կազմակերպիչներից մեկը:

ՀԱՅՑԱԳԻՄՈՒՄԸ ԲԱՎԱՐԱՐՎԵԼ Է

Գլխավոր դատախազության պետական շահերի պաշտպանության վարչության հերթական հայցադիմումը Հակա-կոռուպցիոն դատարանի 2025 թվականի մարտի 7-ի վճռով բավարարվել է:

Դատախազության փոխանցմամբ՝ դատական ակտը, օրինական ուժի մեջ մտնելուց հետո, Հայաստանի Հանրապետության Ե վերադարձվելու Գ. Հովսեփյանի փողոցի՝ հեռուստաաշտարակին հարող տարածքում գտնվող, 688 հազար ԱՄՆ դոլարին համարժեք 271 միլիոն 475 հազար դրամ կադաստրային արժեքի մոտարկված շուկայական արժեքով 7090 քմ մակերեսով հողամասը: Գլխավոր դատախազության պետական շահերի պաշտպանության վարչությունը հայցադիմումով դատարանից պահանջել էր

անվավեր ճանաչել Երեւանի քաղաքապետի եւ Ա.Ս.-ի միջեւ 2005 թվականի հուլիսի 21-ին կնքված առուվաճառքի պայմանագիրն ու կիրառել անվավերության հետեւանքներ: Մասնավորապես՝ պահանջվել էր որպես հետեւանք անվավեր ճանաչել հողամասի առուվաճառքի պայմանագրի հիման վրա նշված անշարժ գույքի նկատմամբ կատարված Ա.Ս.-ի իրավունքի պետական գրանցումը:

Հիշեցնենք, որ 2025 թվականի մարտի 6-ին դատարանի կողմից բավարարվել էր Գլխավոր դատախազության պետական շահերի պաշտպանության վարչության՝ նույն տարածքում գտնվող մեկ այլ հողամասի վերաբերյալ հայցադիմումը: Այդ վճռի համաձայն՝ Հայաստանի Հանրապետության Ե վերադարձվելու Երեւան քաղաքի Գ. Հովսեփյանի փողոցի՝ հեռուստաաշտարակին հարող տարածքում գտնվող՝ «անտառային» նպատակային նշանակությամբ, 254 միլիոն 244 հազար դրամ շուկայական մոտարկված կադաստրային արժեքով 6640 քմ մակերեսով հողամասը:

● Ըստ ոստիկանության տվյալների՝ մարտի 7-ից 10-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 216 դեպք, որից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՏԱՐԱԿԱՐԳԻ ԳՈՒՄԱՐԻ ՄԻ ՄԱՍՆ Է ՏՐՎԵԼ

Տավուշի մարզի հանրակրթական դպրոցների այն ուսուցիչները, ովքեր տարակարգով որակավորում են ստացել, մեր թղթակցին բողոքել են, որ հունվար ամսվա համար նախատեսված տարակարգով տրվող գումարների մի մասն է իրենց փոխանցվել: Տարակարգ ունեցող տարբեր դպրոցների ուսուցիչներին նրանց հասանելիք գումարի տարբեր չափը, հասանելիքի 35-60 տոկոսն է փոխանցվել, ուսուցիչները չգիտեն, թե դա ինչ տրամաբանությամբ է արվել: Ուշագրավ է, որ ԿԳՄՍ նախարարության ենթակայությամբ գործող մարզի ավագ դպրոցներում տարակարգով նախատեսված գումարները, ի տարբերություն Տավուշի մարզպետարանի ենթակայությամբ գործող դպրոցների, ամբողջությամբ փոխանցվել են: Տավուշի ուսուցիչները դժգոհում են, որ Տավուշի մարզպետարանի պաշտոնյաներին պարզեցատրելու համար պետություն գումար կա, իսկ տարակարգով նախատեսվածը ուսուցիչներին վճարելու համար գումար չկա:

ՄԱՐԶՊԵՏԸ ԶԳԻՏԻ

Տավուշի մարզպետ Հայկ Ղալումյանին հարցրել ենք, թե 2025 թ. փետրվարի 26-ի դրությամբ որքան է Տավուշի մարզում 3-րդ, 4-րդ, 5-րդ կարգի վթարային առանձնատների, բազմաբնակարան շենքերի թիվը, դրանք ո՞ր բնակավայրերում են: Մարզպետարանից պատասխանել են. «Ձեր տեղեկատվության պահանջին կրկին անգամ տեղեկացնում եմ, որ 3-րդ, 4-րդ, 5-րդ կարգի վթարայինություն ունեցող տների մասին տեղեկատվությունը անհրաժեշտ է 5-10 տարին մեկ թարմացնան, այն իրականում մեծածավալ աշխատանք է և ներկայումս թարմացված տեղեկատվություն չունեք, համայնքների ղեկավարները ստացել են համապատասխան առաջարկություն ցուցակները թարմացնելու վերաբերյալ մասնագիտական աշխատանք պատվիրելու համար, սակայն գործընթացը պահանջում է մեծ ֆինանսական ռեսուրսներ»:

ՓԱՇԻՆՅԱՆԻ ՀԵՏ ՄՏԵՐԻՄ Է

Իջեակի Ենոքյան գյուղում գործող հայտնի «Ապագա տուր» հանգստի գոտու սեփականատեր Արտակ Զիբուխյանը 5-րդ օրն է ինչ երեւանում Թումանյանի արձանի մոտ, հացադուլ էր հայտարարել, որպեսզի, ինչպես ինքն է ասում, իր ընկեր, Բաքվում հացադուլի մեջ գտնվող Ռուբեն Վարդանյանին ցույց տա, որ մեր տրեղում հացադուլը չի գնահատվում, այն անարդյունավետ միջոց է: Արտակ Զիբուխյանը մոտ հարաբերություններ ունի արմատներով Ենոքյանի Նիկոլ Փաշինյանի հետ: Նիկոլ Փաշինյանը, իր ընտանիքի անդամները շատ են այցելել Արտակ Զիբուխյանին պատկանող հանգստի գոտի: Տարիներ առաջ Զիբուխյանն այդ հանգստի գոտում ծածկվող այլ երկրների դրոշմների կողքին կանգնեցրել էր Ադրբեջանի դրոշը, ինչը մեծ աղմուկ ու դժգոհություն էր առաջացրել:

ՈՍՎԸՍ ՄԱՐԶԱՅԱՆ Տավուշ

ԿՈՉ՝ ԾՎԵՂԻՎԱՅԻ ՌԻԿՍԴԱԳԻՑ

ԴԱՏԱՊԱՐՏԵԼ Է ԳԵՐԻՆԵՐԻ ՀԱՆԴԵՊ ՎԵՐԱԲԵՐՄՈՒՆԵՐԸ

Շվեդիա-Հայաստան խորհրդարանական բարեկամական խումբը կոչ է անում անհատալ միջազգային գործողություններ ձեռնարկել Բաքվում ադրբեջանի և շվեդի մեղադրանքներով անազանության մեջ դառնվող հայերին ազատելու համար՝ զգուցանելով, որ անգործությունը կյարախուսի հետագա բռնաճնշումները և մարդու իրավունքների խախտումները:

«Մենք՝ Շվեդիայի Ռիկսդագում (Շվեդիայի Ազգային ժողով) Շվեդիա-Հայաստան բարեկամության խմբի ներքոստորագրյալ անդամներս, վճռականորեն դատապարտում ենք Ադրբեջանի կառավարության կողմից մարդու իրավունքների կոպիտ և համակարգված խախտումները: Հայ բանտարկյալների, այդ թվում՝ քաղաքական գործիչների և քաղաքացիական անձանց նկատմամբ ապօրինի բանտարկությունը, ֆիզիկական և հոգեբանական խոշտանգումները և քաղաքական հետապնդումները ներկայացնում են ոչ միայն հումանիտար ճգնաժամ, այլև միջազգային իրավունքի ակնհայտ խախտում: Անհիմն մեղադրանքներով անձանց կամայական կալանավորումը, որն օգտագործվում է որպես քաղաքական բռնաճնշումների գործիք, ուղղակի հարձակում է մարդու հիմնարար իրավունքների վրա»,- նշված է հայտարարության մեջ:

Նշվում է, որ հայ խաղաղ բնակիչների և ռազմագերիների (գերիների) շարունակվող բանտարկությունը ժնեի կոնվենցիաների և Մարդու իրավունքների համընդհանուր հռչակագրի բացահայտ խախտում է: «Այս գործողությունները, որոնք իրականացվել են և մնացել են անպատիժ, պետության կողմից արտոնված խոշտանգումներ և բռնի անհետացումներ են, որոնք նպատակ ունեն լռեցնելու քաղաքական այլախոհությունը և վախ սերմանելու», - ասված է հայտարարության մեջ:

Հայտարարությունում շեշտվում է, որ անկախ իրավապաշտպան կազմակերպությունները և իրավական փորձագետները փաստագրել են այս կալանավորների նկատմամբ անմարդկային և նվաստացուցիչ վերաբերմունքը:



«Նրանք, ենթարկվելով դաժան խոշտանգումների, զրկված լինելով փաստաբաններից, ստիպված են եղել դիմանալ կեղծ դատավարություններին, նրանք դարձել են վայրագությունների զոհ: Սա վնասում է Ադրբեջանի միջազգային հեղինակությունը և վտանգավոր նախադեպ է ստեղծում ավտորիտար ռեժիմների համար ամբողջ աշխարհում», - ասված է հայտարարության մեջ:

Բարեկամական խմբի հայտարարությունը նաեւ շեշտել է, որ այս խախտումներն առանձին միջադեպեր չեն, այլ դիտավորյալ հանցագործություններ, որոնք խարխուլում են մարդու իրավունքների և միջազգային իրավունքի հիմքերը:

«Ադրբեջանի կողմից քաղաքատարկյալներին շարունակաբար որպես լծակ օգտագործելը և նրանց նկատմամբ համակարգված վատ վերաբերմունքը ռազմավարություն է՝ ապակայունացնելու տարածաշրջանային խաղաղությունն ու արդարությունը», - ընդգծված է խմբի հայտարարության մեջ: Հայտարարության ներքո ստորագրած պատգամավորները նաեւ ընդգծել են, որ միջազգային ուժեղ արձագանքի բացակայությունը միայն քաջալե-

րում է հետագա չարաշահումները և բռնաճնշումները:

Հայտարարության մեջ ընդգծվում է, որ նման կոպիտ խախտումների դեմ միջազգային հանրության անգործությունը հավասարազոր է մեղակցության՝ ավտորիտարիզմի ծաղկմանը և ճգնաժամի խրոցմանը:

«Սա միայն դիվանագիտության խնդիր չէ, բարոյական և իրավական պարտավորություն է: Միջազգային հանրությունը չի կարող ձեռքբերել ծալած լստել, քանի դեռ նման դաժան անարդարությունները շարունակվում են: Այս գործողությունները ոչ միայն հարձակում են մարդու արժանապատվության վրա, այլ նաեւ ուղղակի մարտահրավեր են այն սկզբունքներին, որոնք պաշտպանում են համաշխարհային կայունությունը, արդարությունը և հիմնարար իրավունքները», - ասված է բարեկամական խմբի հայտարարության մեջ, որում նաեւ շեշտված է, որ աշխարհը հետեւում է, և այս ճգնաժամի արձագանքը կապիտանի արդարության և մարդու իրավունքների հանդեպ հավատարմությունը:

ԱՆՆԱ ՄՐԱՊԻՈՒՅԱՆ

ԱՌԱՋԱՐԿՆԵՐ

ՃԱՄՓՈՐԴՈՒԹՅԱՆ ԳՆԵՐԸ ԴԵՊԻ ԵՎՐՈՊԱ

Գարունն ամենալավ եղանակն է ճամփորդության համար բոլոր առումներով: Եվրոպայում եւս գարուն է, ինչը նշանակում է, որ հանգստյան օրերը կարող եմ անցկացնել եվրոպական որևէ երկրում, ուսել կրուսասան և օրինակ խմել անգլիական թեյ: Այսօր ArmLur.am-ը ներկայացնում է դեղի եվրոպա տուրների արժեքները՝ ըստ ավիաընկերությունների:

Ուղիղ թռիչքը դեպի Փարիզ Air France ավիաընկերության ինքնաթիռներով կարժեւա մոտ 400 եվրո՝ գրեթե 170 հազար ՀՀ դրամ մեկ անձի համար:

Lufthansa ավիաընկերության ինքնաթիռներով դեպի Բեռլին մեկ կանգառով թռիչքի արժեքը կկազմի մոտ 450 եվրո՝ գրեթե 195 հազար դրամ: Alitalia ավիաընկերության միջոցով դեպի Հռոմ ուղիղ թռիչքով կարող եք հասնել մոտ 370 եվրո



վճարելով՝ այսինքն գրեթե 158 հազար ՀՀ դրամ:

Թերեւս ամենաթանկը Ձեզ համար կարող է լինել անգլիական թեյը, քանի որ

British Airways ավիաընկերությունով Լոնդոն հասնելու միայն մեկ ուղղությունն արժե 500 եվրո, այսինքն՝ մոտ 215 հազար դրամ: Հարկ է նշել, որ գները կարող են փոփոխվել կախված ամրագրման ժամանակից և տեղերի առկայությունից:

Նշված արժեքներով ասիմետրիկ կախվել պետք չէ, անհրաժեշտ է ստուգել նաեւ այլ ավիաընկերությունների առաջարկները՝ լավագույն տարբերակը գտնելու համար: Օրինակ, որոշ ավիաընկերություններ մարտի 8-ից մեկնարկող կանանց միամսյակի շրջանակում առաջարկում են հատուկ զեղչեր կամ ակցիաներ:

Հիշեցնենք, որ թռիչքի արժեքը կախված է բազմաթիվ գործոններից, ուստի խորհուրդ է տրվում համեմատել տարբեր առաջարկներ, և ամրագրել տոմսերը հնարավորինս շուտ՝ լավագույն արժեքով ձեռք բերելու համար:

ԷՄՄԱ ՄԻՔԱՅԵԼՅԱՆ

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 33 պատահար. 4 մարդ զոհվել է, 50-ը՝ ստացել տարբեր աստիճանի մարմնական վնասվածքներ:

ՀԱՅՏԱՐԱՐՈՒԹՅՈՒՆ

ՑՈՒՑԱՆԻՇՆԵՐ

ՀՐԱՊԱՐԱԿԱՅԻՆ ԾԱՆՈԹՈՒՄ

«Ֆլորես» Աճուրդի Տուն» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում իրականացնելու է բաց աճուրդ՝ դասական եղանակով: Աճուրդի ընթացքում վաճառվելու է «ՀԱՐԱՎԿՆՆԱԿԱՆ ՀՐԱՎՈՐՈՒՄ» ՓԲԸ-ին սեփականության իրավունքով պատկանող հետևյալ լոտը՝

- ք. Երեւան, Կենտրոն համայնք, Մաշտոցի պողոտա, թիվ 5/6 հասցեում գտնվող 75,1 քմ բնակելի տուն, 9,95 գծմ պարիսպ եւ 0,00482 հա հողամաս: Լոտի մեկնարկային գինը՝ 63723170 ՀՀ դրամ:

Աճուրդի փուլերը՝ դասական եղանակով, ք. Երեւան, Սայաթ-Նովա պողոտա, 40 շենք, 82/31 հասցեում 27.03.2025թ.-ին, ժ. 12:00-ին, այսուհետեւ աճուրդի յուրաքանչյուր հերթական փուլը կանցկացվի յուրաքանչյուր հաջորդ աշխատանքային օրը, նույն վայրում, նույն ժամին: Աճուրդի ավարտը՝ 30.12.2025թ.: Աճուրդի մասնակցության նախաձեռնող սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախաձեռնող վճարվում է «Ֆլորես» ԱՍ ՍՊԸ-ի դրամարկղում՝ աճուրդի կայացման հասցեում, ՀՀ օրենսդրությամբ սահմանված կանխիկի շեմը չզերպահանջվող դեպքում, կամ բանկային հաշվին («Վերսիա-բանկ» ՓԲԸ-ում 1570005285290100 հաշվեհամարին), կամ կազմակերպչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախաձեռնողի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուծիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախաձեռնող վերադարձվում է աճուրդին ավարտվելուց հետո 1 աշխատանքային օրվա ընթացքում: Նախաձեռնող ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը իրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախաձեռնողը: Եթե Կազմակերպիչը իրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախաձեռնողը:

Լոտի ուսումնասիրելու ցանկություն հայտնաբերող անձինք կարող են սույն ծանուցման օրվան հաջորդող օրվանից մինչեւ համապատասխան գույքի աճուրդի ավարտին նախորդող օրը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեով եւ ծանուցանալ լոտի հետ՝ այցելությունը նախապես համաձայնեցնելով Կազմակերպչի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարվելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին կարող եք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե:

Բոլոր այլ տեղեկությունների համար կարող եք զանգահարել (011) 52-61-85 հեռախոսահամարով կամ այցելել www.borsa.am կայքը:

ՔՐՈՆԻԿ ՀԻՎԱՆՌՈՒԹՅՈՒՆՆԵՐԸ՝ ՄԱՔԱՑՈՒԹՅԱՆ ՊԱՏՃԱՍ

Քրոնիկ ոչ վարակիչ հիվանդությունները (ՔՈՎՀ) յուր մասնաճյուղեր են ողջ աշխարհում առողջապահական համակարգերի համար: Ըստ Առողջապահության համախառնային կազմակերպության (ԱՀԿ) սվյալների՝ 2022թ. ՔՈՎՀ-ը եղել է աշխարհում մահացության հիմնական դաս՝ կազմելով բոլոր մահվան դեպքերի 74%-ը (մոտ 41 միլիոն մարդ): Կանխատեսումների համաձայն՝ մինչեւ 2050թ. այս ցուցանիշը կհասնի 86%-ի՝ հանգեցնելով սարկվան մոտ 90 միլիոն մահվան դեպքի:



«Հայաստանում ՔՈՎՀ-ից մահացությունը 2021թ. կազմել է ընդհանուր մահերի 80%-ը. առաջին տեղում սիրտ-անոթային հիվանդություններն էին, որոնք դարձել են բոլոր մահերի 54%-ի պատճառ: Գարնան ամիսներին ՔՈՎՀ-ի սրացումների հաճախականությունը զգալիորեն աճում է, ինչը հանգեցնում է հոսպիտալացումների թվի ավելացման, առողջապահական ծախսերի բարձրացման եւ հիվանդների կյանքի որակի վատթարացման», - այս մասին հայտնում է «Չերացի» վերլուծակալը:

Գարնան ամիսներին սրացող քրոնիկական հիվանդությունների շարքում առանձնահատուկ տեղ են զբաղեցնում Մարտոզական համակարգի հիվանդությունները, այդ թվում՝ քրոնիկական գաստրիտը, կոլիտը, ինչպես նաեւ ստամոքսի եւ տասներկուամտնայ աղիքի խոցային հիվանդությունը: Սրացումների հիմնական պատճառները կապված են իմունային համակարգի թուլացման, սննդակարգում B եւ C վիտամինների պակասի (որոնք կարեւոր են ստամոքսի լորձաթաղանթի վերականգնման համար), ստամոքսաղիակի թթվայնության անտաքանական փոփոխությունների եւ սթրեսի հետ:

Բացի այդ, որոշ մարդիկ՝ հատկապես կանայք, գարնանը դիմում են խիստ դիտաների նիհարելու նպատակով, ինչը նվազեցնում է իմունային պաշտպանությունը եւ նպաստում քրոնիկական սթրեսի առաջացմանը: Վերջինս ուղեկցվում է արյան մեջ աղբյուրային մակարոնային բարձրացումով, ինչի հետեւանքով վատ-

թարանում է ստամոքսի լորձաթաղանթի բջիջների սնուցումը, որոնց մի մասը ենթարկվում է ատրոֆիայի եւ քայքայվում առաջացնելով բորբոքման օջախներ:

Ավերակ հիվանդություններ. նրանց սրացման հիմնական պատճառները մեկը, ինչպես նշվեց, օդում մեծ քանակությամբ ծաղկափռու էլ լիզոլ կալցիոլը: Հետազոտությունների տվյալների համաձայն՝ միայն այս գործոնը ՔՈՎՀ-ի եւ բրոնխիալ ասթմայի սրացումների հաճախականությունը բարձրացնում է 15-30%-ով:

Մաշկային հիվանդություններ. գարնանը հաճախ սրվում են մաշկային պաթոլոգիաները, ինչպես օրինակ՝ փտրիազը, ատոպիկ դերմատիտը եւ այլ քրոնիկական հիվանդություններ: Սրացման հիմնական գործոններն են արեւի լույսի անբավարարությունը, սթրեսը եւ իմունային համակարգի թուլացումը, որոնք կարող են զգալիորեն ծանրացնել հիվանդությունների ընթացքը: Բացի այդ, գարնան ամիսներին հաճախակի սրացող մարտոզական համակարգի հիվանդությունները նույնպես բացասաբար են ազդում մաշկաբանական խնդիրների վրա:

Սիրտ-անոթային հիվանդություններ (ՍԱՀ). արեւային ճառագայթման ուժեղա-

ցումը եւ մթնոլորտային ճնշման կտրուկ տատանումները բացասաբար են ազդում մեթեոզային մարդկանց, սիրտ-անոթային հիվանդություններ ունեցող անձանց, վեգետատիվային դիստոնիայով հիվանդների ինքնազգացողության վրա: ՍԱՀ ունեցող հիվանդների մոտ բարձրանում է սրտամկանի ինֆարկտի, ուղեղային կաթվածի, հիպերտոնիկ կրիզի, տախիկարդիայի եւ առիթմիաների առաջացման հավանականությունը:

Հոգեկան հիվանդություններ. գարնանը օրվա լուսավոր ժամերի երկարացումն ու արեւային ճառագայթման ինտենսիվության աճն ազդում են հորմոնների եւ նեյրոտրանսմիտերի արտադրության վրա, որոնք կարգավորում են մարդու տրամադրությունը, բունը եւ վարքագիծը: Այս փոփոխությունները երբեմն խաթարում են նյարդաբանական հավասարակշռությունը՝ նպաստելով հոգեկան խանգարումների, այդ թվում՝ դեպրեսիայի, բիպոլյար աֆեկտիվ խանգարման, շիզոֆրենիայի, ինչպես նաեւ տագնապային եւ ֆոբիկ խանգարումների սրացմանը», - նշվում է հաղորդագրությունում:

ՆԱՏԱԼՅԱ ՊՈՐՈՍՅԱՆ

ՀԱՍԱՐԱԿՈՒԹՅՈՒՆ

ՄԻՐԻԱՅՈՒՄ ԱՂԵՏ Է

Մարտի 6-ից Սիրիայի Ջերլա քաղաքում, Լաթաքիայի մի քանի թաղամասում եւ Լաթաքիա ու Տարտուս նահանգների լեռնային հատվածներում կատաղի մարտեր են բռնկվել սիրիական անվտանգության ուժերի եւ Դամասկոսում Նոր իշխանության դեմ հանդես եկող զինված կազմավորումների միջեւ: Սիրիայի կենտրոնական իշխանություններն ուժեր են ուղարկել տարածաշրջան: Այն բանից հետո, երբ առափնյա հատվածի բնակավայրերի նկատմամբ վերականգնվել է կենտրոնական իշխանության վերահսկողությունը, սկսել են հաղորդագրություններ ստացվել ալեյիների զանգվածային մահապատիժների մասին: Խոսվում է հարյուրավոր սպանվածների, այդ թվում՝ կանանց եւ երեխաների մասին:

Սիրիայի անվտանգության ուժերը «Յժզբոլլաիին» մեղադրել են երկրում իրավիճակն ապակայունացնելու մեջ: Իրադարձությունների նման վարկած Al Arabiya հեռուստատվային Ներկայացրել է Սիրիայի Լաթաքիա նահանգում անվ-

տանգության ուժերի ներկայացուցիչ Սաջիդ աղ-Ղիբը: Նա հայտնել է, որ անվտանգության ուժերը ձերբակալել են հինգ մարդու, որոնք բարձր պաշտոններ են զբաղեցրել տարածաշրջանում նախկին ռեժիմի օրոք, նա, սակայն, չի բացահայտել նրանց ինքնությունը՝ վկայակոչելով անվտանգային նկատառումները:

Նշենք, որ անվտանգության ուժերի եւ Սիրիայի տապալված նախագահ Բաշար Ասադի կողմակիցների միջեւ երկօրյա բախումների եւ դրան հաջորդած ջարդերի հետեւանքով ավելի քան 1,000 մարդ է զոհվել: Հավելենք, որ Սիրիայի հայկական թաղամասերում իրավիճակը հանգիստ է:

ԱՆՆԱ ՄՐԱՊՈՒՆՅԱՆ

ԱՐՉԱԿՈՒՐԳԻ ՕՐԵՐ

Կրթության, գիտության, մշակույթի եւ սպորտի նախարար ժաննա Անրետայանը ղեռնել 2023-ին հրաման է ստորագրել, որով հաստատել է հանրակրթական հիմնական (ընդհանուր, մասնագիտացված եւ հատուկ) պետական ծրագրեր իրակա-

նացնող ուսումնական հաստատությունների 2024-2025 ուսումնական տարվա օրինակելի ուսումնական պլանները (1-ին, 4-րդ, 9-րդ, 11-րդ եւ 12-րդ դասարաններ): Արձակուրդները 2024-2025 ուսումնական տարում.

1) Ուսումնական պարապմունքների ընթացքում 3-12-րդ դասարանների սովորողներին տրվում են արձակուրդներ՝ աշնանային՝ 2024 թվականի հոկտեմբերի 21-ից 27-ը ներառյալ, ձմռանային՝ 2024 թվականի դեկտեմբերի 23-ից 2025 թվականի հունվարի 5-ը ներառյալ, գարնանային՝ 2025 թվականի մարտի 24-ից 30-ը ներառյալ:

2) Առաջին դասարանցիների աշնանային արձակուրդները տրվում են 2024 թվականի հոկտեմբերի 14-ից 27-ը ներառյալ, ձմռանային՝ 2024 թվականի դեկտեմբերի 23-ից 2025 թվականի հունվարի 19-ը ներառյալ, գարնանային՝ 2025 թվականի մարտի 17-ից 30-ը ներառյալ:

3) Երկրորդ դասարանցիների աշնանային արձակուրդները տրվում են 2024 թվականի հոկտեմբերի 21-ից 27-ը ներառյալ, ձմռանային՝ 2024 թվականի դեկտեմբերի 23-ից 2025 թվականի հունվարի 19-ը ներառյալ եւ գարնանային՝ 2025 թվականի մարտի 24-ից 30-ը ներառյալ:

«Տողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ՀԱՋԱԿՑՈՒԹՅՈՒՆ ԳԵՐԻՆԵՐԻ

ԲԱՅ ՆԱՄԱԿ՝ ԱՇԽԱՐՀԻ ԲՐԻՍՏՈՆՅԱՆԵՐԻՆ

Աշխարհի հայկական եկեղեցիների միացյալ ներկայացուցիչները միասնաբար դիմել են աշխարհի բիսնես-ներին՝ Ադրբեջանում կալանքի սակ ղախվող ջազմագերիներին ու քաղաքացիական անձանց անհատապես և անվերադարձորեն ազատ արձակելու հրահանգ կոչով: Այն արտահայտում է խոր հավասարությունը բիսնեսական արժեքներին և մարդկային արժանապատվությանը, ընդգծում խաղաղության ու հասցեցման հրահանգ անհրաժեշտությունը: Կոչն ընդգծում է բռնությունը և անմարդկային վերաբերմունքը դադարեցնելու կարևորությունը, անկախ ազգությունից, բոլոր մարդկանց բնածին արժանապատվության հանդեպ հարգանքի դրսևորումը:



Հայաստանի և Ադրբեջանի միջև տեղական խաղաղության ճանապարհը կարող է հարթվել միայն մարդասիրական խնդիրների լուծման՝ ռազմագերիների և այլուհեղ պահվող քաղաքացիական անձանց հայրենադարձման միջոցով:

Ստորև ներկայացված է նրանց նամակ-կոչը, որն ստորագրել են հարյուրից ավելի հոգեւորականներ:

Սիրելի՛ քույրեր և եղբայրներ ի Քրիստոս,

Մենք՝ աշխարհի հայկական եկեղեցիների ներկայացուցիչներս, միասնաբար դիմում ենք Ադրբեջանում պահվող հայ ռազմագերիներին ու քաղաքացիական անձանց անհատապես և անվերապահորեն ազատ արձակելու այս խնդրանքով:

Սա պարզապես անմեղ մարդկանց ազատ արձակելու կոչ է, այլ արդարության, արժանապատվության և մարդկության վերականգնման խնդրանք: Այս անձինք, որոնց ձերբակալել են հակամարտության ընթացքում, ենթարկվում են աներեւակայելի տառապանքների, և նրանց շարունակական կալանքը մարդկային պարկեշտության և քրիստոնեական կարեկցանքի բոլոր սկզբունքների ոտնահարում է:

Հանուն մեր ընդհանուր հավատքի՝ մենք այլևս չենք կարող լուել: Հիմա գործելու ժամանակն է:

Գերիների նկատմամբ անմարդկային վերաբերմունքը հակասում է մեր հավատքի բուն էությանը: Պետք է վերջ դնել

նրանց հանդեպ բռնությանը, տառապանքին ու զրկանքներին: Աշխարհը չի կարող անտարբեր մնալ, քանի դեռ անմեղ մարդիկ գերեզմարված են, զրկված արժանապատվությունից և մարդու հիմնարար իրավունքներից: Այս իրավիճակի լրջությունը հասկանալը չափազանց կարևոր է, քանի որ Արցախի նախկին պետախարար Ռուբեն Վարդանյանի առողջական վիճակն օրեօր վատթարանում է: Ռուբենն այս պահին շարունակում է հացադուլը՝ ի նշան բողոքի ադրբեջանական իշխանությունների կողմից բեմադրված թատերական «դատավարության»: Ամեն հաջորդող օր չափազանց ծայրահեղ է դարձնում իրավիճակը:

Մենք չենք կարող ընդունել և չենք ընդունի այնպիսի ապագա, որտեղ նման անմարդկայությունը տեղ ունի: Տարածաշրջանի բոլոր ժողովուրդները՝ հայերը, ադրբեջանցիները, ցանկացած այլ ազգություն, արժանի են խաղաղության: Այն կառուցվում է արդարության հենքի վրա. խաղաղություն, որտեղ պաշտպանված է յուրաքանչյուր մարդու արժանապատվությունը, որտեղ գոյություն չունեն տառապանքի շղթաներ, և որտեղ յուրաքանչյուր մարդկային հոգի ապրում է ազատության մեջ:

Մենք՝ աշխարհասփյուռ հայկական եկեղեցիներս, պահանջում ենք բոլոր ռազմագերիների և քաղաքացիական պահվող անձանց անհատապես վերադարձնել իրենց ընտանիքներ: Սա զուտ մարդասիրական անհրաժեշտություն է, սա բարոյական հրամայական է: Հայ գերիների ազատ արձակումը կարող է բացել Նոր էջ, որտեղ առողջացումը կփոխարինի ատելությանը, որտեղ հասկացողությունը կհաղթահարի բաժանարարությանը, որտեղ խաղաղությունը պարզապես երազանք չէ, այլ իրականություն:

Մենք կոչ ենք անում կառավարություններին, միջազգային կազմակերպություններին և բոլոր բարի կամքի տեր մարդկանց դատապարտելու ցուցադրական այս դատավարությունը՝ որպես քաղաքական և ոչ լեգիտիմ, և ճնշում գործադրել դրանում ներգրավված իշխանությունների վրա՝ վերադարձնելու այս անմեղ մարդկանց իրենց հարազատ տները: Երես մի թեք ենք այլոց տառապանքներից: Կանգնենք մեր կողքին: Կանգնենք հանուն արդարության և խաղաղության:

Ն. Պ.

ՏԵՂԵԿԱՏՎՈՒԹՅՈՒՆ

ԲԱՆԿԸ ՄՏԱՅԵԼ Է ՈՍԿԵ ՄԱԿԱՐԴԱԿ

«Ակբա» բանկը միջազգային հեղինակավոր MFR գործակալության կողմից արժանացել է «Հաճախորդների պաշտպանության հավաստագրման» (Customer protection certification) ամենաբարձր՝ ոսկե մակարդակի: MFR-ի կողմից «Ակբա» բանկի հավաստագրումը ես մեկ անգամ արտացոլում է՝

բանկում հաճախորդների հետ գործարար հարաբերությունների համապատասխանությունը հաճախորդների սպասարկման միջազգային չափանիշներին, բանկի՝ հաճախորդակենտրոն գործունեության ընկալման բարձր մակարդակը, հաճախորդների սպասարկման մեծ փորձառությունը:

«Ակբա» բանկի մասին

«Ակբա» բանկը Հայաստանի բանկային համակարգի առաջատարներից է, երկրի

գյուղըրտի ֆինանսավորման բացարձակ առաջատարը: 2021 թվականին իրականացված բաժնետոմսերի առաջնային հրապարակային տեղաբաշխումից (IPO) հետո «Ակբա» բանկն ունի ավելի քան 5200 բաժնետեր: Թվային նորագույն լուծումների ներդրման, ինչպես նաև նոր տեխնոլոգիաների կիրառման շնորհիվ բանկն անդադար զարգացնում է տրամադրվող ֆինանսական ծառայությունների քանակն ու որակը: «Ակբան» ներկայացված է Հայաստանի բոլոր մարզերում, ունի 65 մասնաճյուղ, համարվում է երկրի և ֆինանսական համակարգի խոշոր գործատուներից մեկը:

MFR-ի մասին

MFR-ը միջազգային վարկանիշային գործակալություն է, որն իրականացնում է գնահատումներ, տրամադրում տեխնիկական փորձագիտական աջակցություն ֆինանսական ոլորտին:

Բանկը վերահսկվում է ՀՀ ԿԲ կողմից:

ՀԱՅՏԱՐԱՐՈՒԹՅՈՒՆ

Սույն թվականի փետրվարի 25-ին Երեւանի քաղաքապետի կողմից տրվել է Կենտրոն վարչական շրջան, Վարդանանց փողոց հ.18 շենք, հի. 3, 12 տարածքների և հի. 4, 13 շինությունների հասցեներում հասարակական տարածքների վերակառուցման՝ մուտքերի իրականացման և վերահատակագծման թիվ ՇԹ/6/2906-25 շինարարության թույլտվությունը, որի վերաբերյալ ամբողջական կարելի է ծանոթանալ labeerint.am/այլ/ համացանցային կայքէջի միջոցով:

Սույն հայտարարությունը հանդիսանում է «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածով սահմանված կարգով իրականացված հրապարակման եղանակով իրազեկում:

ՄԱՐԶԱԿԱՆ

ՏԵՂԱՓՈԽՈՒԹՅԱՆ ՄԱՆՐԱՄԱՄԵԲԸ

El Nacional-ը, վկայակոչելով լրագրող Մարսալ Լորենտի տեղեկությունը, հայտնել է Կիլիան Մբայեի՝ Մադրիդի «Ռեալ» տեղափոխության ֆինանսական մանրամասները: Աղբյուրի համաձայն՝ «Ռեալը» վերջերս ֆրանսիացի հարձակվողին 117 միլիոն եվրո պայմանագրով նախատեսված բոնուս է վճարել՝ գումարած տարեկան աշխատավարձը: Մբայեի ամառային տրանսֆերային պատուհանի ժամանակ է տեղափոխվել Մադրիդի «Ռեալ»-ը: Այս մրցաշրջանում ֆրանսիացին բոլոր մրցաշարերում անցկացրել է 39 հանդիպում՝ դառնալով 27 գոլի և չորս գոլային փոխանցման հեղինակ:

Հիշեցնենք, որ Մբայեի ամառային տրանսֆերային պատուհանի ժամանակ հեռացել է ՊՍԺ-ից և մինչև 2029 թվականը նախատեսված պայմանագիր է կնքել Մադրիդի «Ռեալի» հետ:

ՉԱՎԻՆ ԽՈՍԵԼ Է ՀԱՂԹԱՆԱԿԻՑ

Իսպանիայի հավաքականի նախկին կիսապաշտպան Չավին խոսել է Եվրոպայի երկու առաջնություններում ու աշխարհի առաջնությունում թիմի հաղթանակների նշանակության մասին: «Նախկինում աշխարհի առաջնությունում իսպանացի խաղացողի հաղթանակն ուտայիա էր: Դա պատիվ էր տրված իտալացիներին, գերմանացիներին, բրազիլացիներին, արգենտինացիներին: 2008-2012 սերնդի գալով մենք փոխեցինք այս մտածելակերպը: Քառորդ եզրափակիչ դուրս գալն արդեն իսկ ձեռքբերում էր: Այսօր, եթե չհաղթենք, ապա դա ձախողված կհամարվի: Մենք փոխեցինք իսպանական ֆուտբոլի պատմությունը: Այս թիմը հավերժ կիշխի»,- Չավի խոսքերն է մեջբերում AS-ը:

Հիշեցնենք, որ 2008-2012 թվականներին Իսպանիայի հավաքականը հաղթել է բոլոր երեք խոշոր մրցաշարերում անընդմեջ: Նախ Վիստառ դել Բուսկեթի թիմը հաղթել է Եվրո-2008-ում, հետո դարձել է 2010 թվականի աշխարհի առաջնության հաղթող, որից հետո հաղթել է Եվրո-2012-ում:

ՄԱՍԿԵՐԱՆՈՅԻ ԲԱՅԱՏՐՈՒԹՅՈՒՆԸ

«Ինտեր Մայամի» գլխավոր մարզիչ Կալիբր Մասկերանոն բացատրել է, թե ինչու արգենտինացի հարձակվող Լիոնել Մեսսին դաշտ դուրս չէկավ «Շառլոտի» դեմ MLS-ի 3-րդ տուրի խաղում: Հանդիպումը կայացել է Ֆորտ Լոդերդեյլ քաղաքում և ավարտվել 1:0 հաշվով՝ հօգուտ տանտերերի: 38-րդ րոպեին «Ինտեր Մայամի» մտացել է 10 հոգով այն բանից հետո, երբ դարպասապահ Օսկար Ուստարին կարմիր քարտ է ստացել: «Իրականությունն այն է, որ Լեոյի հետ մենք մտածում էինք նրան խաղաժամանակ տրամադրելու մասին: Բայց քանի որ մենք խաղում էինք տասը հոգով, և նաև հաշվի առնելով, որ նա բաց թողնեց մի քանի հանդիպում, մտածեցինք, որ ավելի լավ է խնայել նրան: Մենք չէինք ցանկանում ռիսկի դիմել»,- Մասկերանոյի խոսքերն է մեջբերում ESPN-ը:

● «Բոհեմ» թատրոնում մարտի 12-ին տեղի կունենա «3033» ներկայացումը: Տոմսերի արժեքը՝ 2500, 3000, 3500, 4000, 4500, 5000, 6000 դրամ:



Էջը՝ ԱՆՎԱՐԴ ԿՈՇԿԱԿԱՐՅԱՆԻ

ՍՈՑԻԱԼԱԿԱՆ

ՀԱՐՑ. Խնդրում եմ ասե՞ք կենսաթոշակից ինչ չափով դահումներ կարող են կատարվել:
Էմմա Ամրոյան (67 տարեկան, թոշակառու)



ՊԱՏԱՍԽԱՆ. Քաղաքացու հարցին ի պատասխան տեղեկացնում ենք, որ կենսաթոշակից պահումներ կարող են կատարվել՝

1) օրինական ուժի մեջ մտած դատավճիռների, վճիռների հիման վրա, սակայն նշանակված կենսաթոշակի 30 տոկոսից ոչ ավելի.

2) սխալ տեղեկություններով փաստաթղթեր ներկայացնելու, ինչպես նաև կենսաթոշակառուի՝ սույն օրենքի 50-րդ հոդվածով սահմանված պարտականությունները չկատարելու հետևանքով կամ սխալմամբ (Հայաստանի Հանրապետության օրենքի խախտմամբ) նրան ավել վճարված գումարները հետ գանձելու մասին կենսաթոշակ նշանակող ստորաբաժանման որոշման եւ կենսաթոշակառուի գրավոր համաձայնության հիման վրա, սակայն նշանակված կենսաթոշակի 15 տոկոսից ոչ ավելի, եթե ավել վճարված կենսաթոշակի գումարի չափը չի գերազանցում որոշումը կայացնելու ամսվան հաջորդող ամսվա կենսաթոշակի գումարի կրկնապատիկը: Կենսաթոշակից կատարվող պահումների չափը հաշվարկվում է կենսաթոշակառուին վճարվող ամսական գումարից:

Կենսաթոշակից կատարվող պահումների ընդհանուր գումարը չպետք է գերազանցի կենսաթոշակի 30 տոկոսը: Կենսաթոշակից կատարվող պահումների չափը համամասնորեն փոխվում է կենսաթոշակի չափը փոխվելու դեպքում:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Կենսաթոշակ նշանակող ստորաբաժանման՝ կենսաթոշակին վերաբերող որոշումները կարող են բողոքարկվել վերադատության կամ դատական կարգով:

ՀՈԳԵՎՈՐ

ՀԱՐՑ. Հեաբրիբ է իմանալ՝ արդյո՞ք միայն վարդաթեմերը կարող են լինել կուսակրոն, թե յուրաքանչյուր քահանա իր ցանկությամբ:

Գրիգոր Հունանյան (43 տարեկան, տնային տնտեսուհի)



ՊԱՏԱՍԽԱՆ. Կուսակրոն կամ ամուսնացյալ քահանա դառնալու որոշումը կայացնում են մինչեւ ձեռնադրվելը՝ սարկավազ եղած ժամանակ: Թե՛ ամուսնացյալ, թե՛ կուսակրոն սարկավազները քահանա են ձեռնադրվում նույն ծեսով, կարող են անգամ միաժամանակ ձեռնադրվել: Նույն օրը՝ երեկոյան, ձեռնադրող եպիսկոպոսը կամ կաթողիկոսը կուսակրոնության ճանապարհ ընտրած քահանաներին տալիս են վեղար, որը չեն կարող կրել ամուսնացյալները:

Քահանա են կոչվում բոլոր ձեռնադրվածները՝ կուսակրոն, թե ամուսնացյալ, սակայն, ի տարբերություն ամուսնացյալ քահանաների, կուսակրոններն իրավունք ունեն ստանալ մի քանի աստիճան՝ աբեղա, վարդապետ, եպիսկոպոս, կաթողիկոս: Հաճախ հայրաբանական գրականության մեջ նրանց բոլորին կոչում են քահանա:

Օրինությամբ՝ Տ. Շմավոն քահանա Ղեւոնդյան

«ԺՈՂՎՈՒՐԳ». Նշենք, որ ամուսնացյալներին կուսակրոններից տարբերում են վեղարով: Դա գլխի բրգածեւ ծածկոց է, որը կրում են միայն կուսակրոնները:

ԼՈՒՐ ԿԱԴՐ

Լուսանկարը՝ Shamshyan.com-ի



Երեկ ավտոմեքս է տեղի ունեցել Արարատի մարզում: Երեւան Մեդի ավտոճանապարհի 88 կմ հատվածում Տիգրանաշենի ոլորաններում, բախվել են Dodge մակնիշի ավտոմեքենան եւ Foton մակնիշի բեռնատարը: 1 հոգի տեղափոխվել է «Արարատ» բժշկական կենտրոն:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել



«Հայկուստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ **ԱՆՎԱՐԴ:**

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբանաբար ձեր բարձրագույն բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____

Ազգանուն՝ _____


Առաքման հասցե՝ _____

Բջջային եւ/կամ քաղաքային հեռախոս՝ _____

Հեռ.՝ (060) 490049

0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	0 - 4 +12+ 15	Արարատ	+ 3 + 5 +17+ 20
Կոտայքի լեռներ	0 - 3 +11+ 14	Արմավիր	+ 3 + 5 +20+ 22
Կոտայքի նախալեռներ	+ 2 + 4 +16 + 18	Վայոց ձորի լեռներ	-11 - 14 -6 - 9
Գեղարքունիք	0 - 4 +11+ 14	Վայոց ձորի նախալեռներ	+ 3 + 5 +19+ 22
Լոռի	-3 + 2 +15 + 18	Սյունիքի հովիտներ	+ 3 + 7 +20+ 24
Տավուշ	+ 1 + 5 +18 + 22	Սյունիքի նախալեռներ	- 2 + 3 +15 + 18
Արագածոտնի լեռներ	- 1 - 5 +14 + 18	ԼՂՀ	- 2 + 3 +15 + 19
Արագածոտնի նախալեռներ	+ 2 + 4 +15 + 18	Երեւան	+ 2 + 4 +14 + 16

Լրատվական գործունեություն իրականացնող՝
 «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22՝/3, հեռ՝ 010 54-64-23
 Պետական գրանցման վկայականի համարը՝ 03U089086
 տրված է 24.11.2010
 Ստորագրված է տպագրության 10.3.2025
 Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: